



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Christ. Francisci Paullini, Ferrariâ-Thuringi, Rerum Et
Antiquitatum Germanicarum Syntagma**

Paullini, Christian Franz

Francofvrti ad Moenvm, 1698

Ad Nobilem Et Generosum D[omi]num Georgivm, Comitem De Templi
Monte, Dominum & Benefactorem meum Gratosum.

urn:nbn:de:hbz:466:1-44860



AD NOBILEM ET GENEROSUM

DNUM

GEORGIUM,

COMITEM DE TEMPLI MONTE,

Dominum & Benefactorem meum Gratosum.

DEvotas preces cum parata ad omnia beneplacita voluntate. Etsi Vetustissima & Incluta semper fuerit Generosa Familia Vestra, Nob. & Generose Domine Comes GEORGI, nullum tamen ego vidi, qui descripserit Eam. Vel si factum est, jacet scriptum in angulo tenebricoso, pro murium delectamento, seu ignis, bellum, vel aliud infortunium id nobis eripuit. Saltem Vobis nihil de eo constat. Quapropter quæ antea in tumultuariis collectaneis meis partim ex aliorum chronicis, partim ex literis, quas hîc & alibi vidi & perlegi, congesse-ram, nunc in ordinem aliqualem redegî, & *Breviloquium* hoc, seu *Chronica* inde componere, & V^æ. Generositati humili & obsequioso animo mittere volui. Est enim non meus tantum, sed totius monasterii nostri Patronus & benefactor specialis. Totus ego credo, omnes Comites *Templimontanos*, ubi etiam in Germania sunt, è *Doringia* esse. Postea vel per occasionem belli, seu per matrimonia, vel alia de causa, alibi sedes & domicilia sua posuerunt, in memoriam tamen veteris suæ sedis ad *Salam* in *Doringia*, etiã aliis in locis castra sua nominârunt *Kerchberg*. Interim DEUM rogabimus omnes, ut V^a. Generositas diu prospera & incolumis sit, & tandem à terrenis & caducis ad sublimiora & æterna gaudia beatè transferatur, per Dominum nostrum JESUM Christum, qui vivit & regnat in secula seculorum Amen.

L. B. S. P.

Scripsit *Paulus Götze*, (qui se *Jovium* vocabat, idque nomen
 cum celebri Historico Italo *Paullo Jovio* commune sibi fe-
 cerat,) Scholæ *Ebelebiensis* in Comitatu Schwarzburgico
 circa exordium hujus seculi adhuc Rector, patrio sermone non
 modò chronicon *Schwarzburgicum*, *Glichense* & *Honsteinense*,
 sed etiam *Kirchbergicum*. *Schwarzburgicum* omnium maxi-
 mum est, binis Tomis in folio comprènsum. Reliqua minora
 sunt, & in forma 4t. scripta, duorum triumvé circiter alphabeto-
 rum. Substitit in singulis circa ortū hujus seculi, nunc ad exodum
 labentis. Quæ rariora MSta in archivo Illustrissimi & Curio-
 sissimi Comitis Schwarzburgico-Arnstadiensis adhuc cubant.
 E *Kirchbergico* Amicus meus honorandus Dn. *Tenzelius* Hi-
 storic. Ducal. Saxon., mecum communicavit bullam *Alberti-*
nam, (a) in fine appendicis subnexam. *D. Cass. Sagittar.*, Hist.
 PP. in Illustri Acad. Salana, etiam sponderat nobis chron.
Kirchbergicum. (b) Verùm an perfecit, dubito. Ipsemet ego
 aliquot abhinc annis historiam Illustrium horum Comitum ger-
 manicè contexui, XXVI. capitibus inclusam, & è variis autoribus
 tabulisque collectam. Sed jacet ea in pluteis meis, stertitque
 securè. Hoc, quod cernis, chronicon (*breviloquium* vocat Au-
 tor) conscripsit *Wernerus Hack*, Teutlebio-Thuringus, Præpo-
 situs olim Monasterii Virginum S. Nicol., cætâs Benedictini, Ise-
 naci ad portam, ab eodem claustro denominatam. Dicitur enim
 anno MDIX. MDXV. & MDXVII. *Probst und Vorsteher*. In-
 scripsit id anno MDXIX. Illustri Comiti *GEORGIO Kirch-*
bergico, Heroi arte & Marte claro, tunc Præfecto Ducali Saxonico
Crucisburgi ad Vierrâ, quo munere ab anno MCCCCLXXXII.

(Yy) 2

usque

(a) De anno 1518. (b) L. III. Antiquit. Gentilissimi & Christianissimi Thuring. c. XI, §. 5. p. 172.

usque ad MDXX. fideliter functus est. Jucundum sanè opuscu-
lum, variis memorabilibus refertum. Fuère, qui M. *Deybicherum*
pro Autore ejus habebant. Sed *Franciscus Dixtus*, ultimus Ca-
non. B. V. Isnaci, postea Augustanæ Confessione addictus, ita ad
Generum suum *Joann. Himmelium*, Past. tunc Sweinensem, post-
ea Proto-Diaconum Isnacensem. (c) *Werner quidem totum con-*
gessit chronicon, & solus ejus autor est. Cùm verò M. Petrus, Cantor
Ecclesie nostræ, ob pulcriorem latinismum apud nos clareret, nec rudis
putaretur in rebus Thuringicis, revisioni ejus commisit ille scriptum
suum, ut, si quæ addenda aut corrigenda essent, faceret, cunprimis autem
stilo subinde ornaret, rebus tamen non mutatis. In quo postremo in-
terdum gratificatus est Wernerò. Hinc loquacitas aliorum, quasi
ipse autor esset, sed non est. Quod ex ore M. Petri tibi dictum esse
volo. Ita *Sixtus.* Ego è reliquiis chartaceis Avi mei materni,
M. *Francisci Himmelii*, Past. Crucismontani, ejusdemque Epha-
riæ Inspect., dum viveret, vigilantissimi, patriæque historiae
amantissimi, accepi, Tibique nunc, B. L., sisto, literis aliquot no-
tisque meis auctum & illustratum. Fruere feliciter! *Ferraria*
Thuringorum Anno Salutis MDCXCVIII.

(c) In lit. 9. Octobr. 1567.

* * *

Ilustres semper Comites, celebresque fuère,
sive togam cupias, seu meminisse sagum.
Sedes illorum *Kirchberg*, prænobile castrum;
id varios casus nobilitasse scio.
Singula congessit *Wernerus*: sicubi nox est,
affundis lucem; dixero: πάντα καλῶς.

MCCCLXXII CAROL. ELIAS RHUN, J. U. Dr.

JESUS